

Exercicio.

Comenta o seguinte texto:

“(Os emigrantes) antes de iniciaren unha viaxe debían facer contas sobre o que investían e o que ían obter desa busca de traballo. Dunha banda os gastos monetarios: o prezo da viaxe e aloxamento e sustento durante un período non inferior a un mes; ademais os ingresos perdidos tanto durante o tempo de viaxe como durante o período de busca de traballo e aprendizaxe no novo emprego. Pero con ser estes importantes, non se podía esquecer os gastos psíquicos de perda de familiares e amigos, adaptación a outros costumes, clima, etc..

Para compensar (...) o emigrante tiña que ter algunha información previa do que se ía atopar ao outro lado do Atlántico, por iso era un estímulo moi importante que nese destino estivese xa algún familiar ou veciño que transmitise a través da carta ou simplemente demostrase a través do envío de remesas (diñeiro) que a situación laboral dese lugar, lle permitiría vivir e aforrar”

SÁNCHEZ, Blanca. *As causas da emigración española (1880-1930)*

Cuestións:

1. Que importancia tivo a emigración nas repúblicas latinoamericanas? Explica por que América Latina se converteu nun polo de atracción para os europeos.
2. En que momentos foi máis importante a emigración de españois cara a Iberoamérica? Cales eran os destinos preferidos?.
3. Intenta explicar por que se formaban colonias de emigrantes dunha mesma orixe xeográfica.
4. Por que moitos exiliados marcharon a Iberoamérica despois da Guerra Civil ?. Que acollida tiveron? Que país recibiu máis exiliados republicanos?.
5. Redacta unha breve síntese, se lle preguntas a algún familiar teu, da vida diaria dun emigrante galego calquera país de Latinoamérica.